



## TRÁMITE DE CONSULTAS NO PROCEDIMENTO DE AVALIACIÓN AMBIENTAL ESTRATÉXICA SIMPLIFICADA

**Nome do plan:** Proxecto sectorial de incidencia supramunicipal aproveitamento hidroeléctrico de Portodiz no río Furelos

**Localización:** municipios de Melide e Santiso (A Coruña)

**Promotor:** Hidroeléctrica de Lumymey, S.L.

**Expediente:** 2018AAE2238

**Código web:** 2141/2018

O día 02.10.2018 recibíuse no rexistro da Consellería de Medio Ambiente, Territorio e Vivenda un escrito de Augas de Galicia para iniciar a avaliación ambiental estratéxica simplificada do *Proxecto sectorial de incidencia supramunicipal aproveitamento hidroeléctrico de Portodiz no río Furelos*, nos concellos de Melide e Santiso. Achega a solicitude de inicio do procedemento de avaliación ambiental estratéxica simplificada, o documento ambiental estratéxico e o borrador do Proxecto sectorial presentados polo promotor.

Unha vez avalada a documentación recibida e considerando que:

1. A lei 6/2007, do 11 de maio, de medidas urxentes en materia de ordenación do territorio e do litoral de Galicia, establece no seu artigo 5 os instrumentos de ordenación do territorio e de planeamento urbanístico obxecto de avaliación ambiental estratéxica; no dito artigo sinala que serán obxecto de avaliación ambiental estratéxica os instrumentos de ordenación do territorio regulados na Lei 10/1995 do 23 de novembro de ordenación do territorio de Galicia, agás os proxectos sectoriais de incidencia supramunicipal, que serán obxecto de avaliación ambiental cando así o decida o órgano ambiental. Posteriormente, a vixente Lei 21/2013 do 9 de decembro de avaliación ambiental, entre outras cuestións, determinou que o procedemento administrativo de "decisión" pasara a ser o procedemento de avaliación ambiental estratéxica simplificada.
2. A Lei 21/2013 establece no artigo 30 que antes de elaborar o informe ambiental estratéxico o órgano ambiental consultará ás administracións públicas afectadas e ás persoas interesadas, que deberán pronunciarse no prazo máximo de corenta e cinco días hábiles. Se ben, esta Dirección Xeral decidiu estender as consultas ao público en xeral co obxecto de favorecer a transparencia da tramitación e a participación cidadá.
3. A Dirección Xeral de Calidade Ambiental e Cambio Climático é o órgano ambiental competente para tramitar os procedementos administrativos en materia de avaliación dos efectos de determinados plans e programas no ambiente (Decreto 167/2015, do 13 de novembro, polo que se establece a estrutura orgánica da Consellería de Medio Ambiente e Ordenación do Territorio; Decreto 177/2016, do 15 de decembro; Decreto 88/2018, do 26 de setembro, polo que se establece a estrutura orgánica da Xunta de Galicia).

### ACÓRDASE:

Someter a consulta pública na sede electrónica deste órgano ambiental por un **prazo de 45 días hábiles** o documento ambiental estratéxico e o borrador do ***Proxecto sectorial de incidencia supramunicipal aproveitamento hidroeléctrico de Portodiz no río Furelos***, nos concellos de Melide e Santiso.



No caso de que este órgano ambiental determinase que é necesario someter o planeamento ao procedemento ordinario de avaliación ambiental estratéxica, as observacións e suxestións recibidas serán tidas en conta tamén na elaboración do documento de alcance do estudo ambiental estratéxico (artigo 31.2.a da Lei 21/2013).

As observacións e suxestións poderán ser formuladas por calquera das seguintes canles:

- A través do formulario informático habilitado na sede electrónica deste órgano ambiental (<http://cmaot.xunta.gal/programas-con-periodo-de-consulta-aberto>).
- A través do correo electrónico: [avaliacion.ambiental.estratexica@xunta.gal](mailto:avaliacion.ambiental.estratexica@xunta.gal)
- Mediante fax remitido ao número 981 541 048.
- Mediante escrito presentado no registro administrativo da Consellería de Medio Ambiente, Territorio e Vivenda, situado en San Lázaro s/n, en Santiago de Compostela.

En calquera dos medios empregados deberá identificarse quen formula as observacións e suxestións (nome da unidade administrativa, ou nome do colectivo, ou nome e apelidos da persoa), facilitando tamén os datos de contacto.

O informe ambiental estratéxico que se formule tras o período de consultas farase público no *Diario Oficial de Galicia* e na sede electrónica ([http://cmaot.xunta.gal/tema/c/CMAOT\\_Avaliacion\\_ambiental](http://cmaot.xunta.gal/tema/c/CMAOT_Avaliacion_ambiental)) da Consellería de Medio Ambiente, Territorio e Vivenda.

Santiago de Compostela, 11 de outubro de 2018